



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Evangelistarivm M. Maruli Spalaten. opus vere  
euangelicum, sub fidei, spei & charitatis titulis in septem  
libros partitum**

**Marulić, Marko**

**Coloniæ, 1532**

**VD16 M 1298**

De beneficijs accipiens. ca. 24.

**urn:nbn:de:hbz:466:1-35578**

multum donauit. Plus enim largitus est, cui minus quo  
ipse fruatur restat. Hanc verissimam sententiam domi-  
ni confirmat autoritas. Cum enim quidam diuites in  
templo grandem offerrent pecuniam, plus oblatum di-  
xit a vidua paupercula, quæ duo tantum minuta æra ob-  
tulerat. Satis hæc de tribuendis beneficijs, nunc de ac-  
cipiendis reddendisque exponamus.

Matt.12.

## De beneficijs accipiendis.

Caput. xxiiii.

**A**b illo accipere beneficia oportebit, cui nos de-  
bere delectat. Molesta res est, his quibus nolis  
esse deuinctum. Econtrario autem iucundissimum  
est, ei quem nullo etiam intercedente beneficio dilige-  
res, accepto obligari, & causam referendæ gratiæ habe-  
re. Ab optimo quoque beneficium accipere tam gratū  
est quam testimonium habere ipsorum erga nos amo-  
ris. Læto yultu gratoque animo sicuti dandum ita &  
accipiendnm erit beneficium: qui contemptim acceperit  
iam ingratus est, si sibi beneuole præstitum est. Ille ve-  
ro qui hilare accipit, & libenter, iam persoluit maximā  
beneficij partem, quæ in animo est. Reddit enim pro be-  
neuolentia beneuolentiam, licet nondum munus p̄ mu-  
nere retulerit. Deest interdum referendi copia, interdū  
occasio, & quamdiu ista desunt, qui accepit beneficium  
tamquam relatus, iam retulisse videtur, quia satis est  
voluisse, quoties posse nō occurrat. Ab illo qui infamia  
notatus est, & turpiter viuit, non accipias beneficium,  
ne perditis moribus eius fauere videaris, nisi forte eo  
accepto. & inita cum homine familiaritate spes fuerit,  
tuis admonitionibus eum reuocandi, sibique restituendū  
ne in nequitia obduratus pereat. Cūq; etiā malis bene-  
faciendū sit, non est p̄termittenda beneficiendī occasio  
si tunc se offerat, cū ille q̄ corrigi debet, munus aliquod  
porrigit. Tunc etiam a malo accipiendum erit, cum  
ille deterior futurus timetur, nisi acceperimus. Tyran-  
no enim aut improbo aliq domino munus vltro porri-

gente, si non acceperis, contemni se putabit, & qui pro  
delle voiebat, mutato animo offendet. Ab hoc genuso  
minibus non est liberum nolle accipere. Nec tamen illi  
quicquam pro eo debeo, quod inuitus accipio, reddam  
si repetet, non ut benefactori, sed tanquam creditori.  
Et si reddidero, gaudebo me ab illius benevolentia esse  
solutum, qui dignus est odio. Alia quoq; causa est acci-  
piendi beneficii etiam ab impiis, cum videlicet eo acce-  
pro datur facultas beneficiandi bonis ac iustis. Sic Io-  
seph accepit a Pharaone, sic Daniel a Nabuchodonoso-  
ro, non hoc quidem, ut ipsis gratiam deberent, sed ut  
suis prodeissent.

## De beneficij reddendis.

## Cap. XXV.

**P**orro in referenda gratia tales nos praestemus,  
quaes esse decuit in beneficio accipiendo. Cui  
referatur, sentiat quam libenter, quam iucunde sibi  
referatur; ut laetus sit, se quoq; prudenter egisse, quod  
in homine tam grato suum collocarit beneficium. Ni-  
hi lominus soluta etiam gratia, nos ei debere fateamur  
quia dignos nos suo beneficio iudicauit, quia prior ad  
amicitiam venit, ut merito redamet, qui cœperit a-  
mare. Interim si grati esse volumus, nūquam patiamur  
exidi memoriam collatorum in nos beneficiorum. In-  
gratus est, qui non reddit. Audeo dicere, non minus in  
gratus est qui non meminit: quoniam ne tunc quidem  
gratus fuit cum acciperet. Quod enim libenti animo ac-  
cipimus, id non facile obliuiscimur. Illa vero facillime  
oblitiori solēt, q̄ minimi æstimant. Qui ergo oblitus  
est, is pfecto testat, se p̄ vili habuisse qcquid accepit. Re-  
ferrem, inquis, si accepti memor fuissē, imo memor acce-  
pti fuisses, si referre gratiam cogitasses. Ipsa obliuio te  
ingratitudinis accusat, qua te defendere ab ingratitudi-  
ne conaris. Quæ autem res est, quæ præcipue faciat in-  
gratos? Alios certe superbia, alios avaritia. Illi dignos  
se beneficio existimant, & dedisse putant cum acce-  
pint: hi vero accepisse se dissimulant, ne reddant, & q̄to